

广东通志

广东通志

廣東通志卷二百九十三

甲子重刊

列傳二十六

潮州二

李齡

葉溥

子喜雨

蕭鈴

鄭安

鄭璣

蕭鼎

韋濟

陳綱

鄭諒

黃湊

劉琯

盛鳳儀

子端明

吳裕

姚琛

從弟璦

從子紹

余珙

吳一貫

翁理

王昂

黃勳

子一道

吳廷瑄

李方

李大綱

林濟民

莊典

周用

陳猷

周鎬

黃用直

鄭一初

許洪宥

薛俊

潘文明

魏斌

薛侃

王軾

蔡邦玘

劉瑞葵

蕭與成

劉漢

楊鸞

兄驥

周孚先

子光鎬

陳璇

郭廷序

兄廷秀

薛宗鑑

翁萬達

陳思謙

袁鑑

王實

以上明

明

李齡字景齡潮陽人自少以穎敏稱經史過目卽成誦甫冠領宣德己酉鄉薦會試南宮中正統丙辰乙榜授賓州學正母憂服闋補國子學錄轉江西道監察御史勅命提督北直隸郡縣學未幾特旨陞詹事府丞景泰初選充宮僚入史館與修歷代帝紀景泰丙戌上命爲京闈考官掄選真材允

愜輿論英廟復辟輔導官多罪謫者齡以弗與建
儲得免改補太僕寺丞轉江西提學僉事齡欲士
子敦本尙行嚴責記誦痛抑奔競其自持一言一
動不苟餘干胡居仁躬耕孝弟力行有聞請主白
鹿洞教事以爲學者式嘗建二陸講堂捐田贍士
有功于洞齡卒爲立主從祀人或欺之亦篤信不
渝被讒而去時論惜之考其生平大抵忠厚不苟
狗俗文章政事爲當時所重云

江西通志

葉溥字思周潮陽人

今屬饒平

正統甲子鄉薦博洽羣

書詩句肆口而成在郡學時敎授莊姓者考績去
後遺俸金四十兩埋庭中溥獲之買舟追至程鄉

還之莊酬其半溥堅謝不受比令大治政務寬簡
清操如布衣時以疾乞歸行李蕭然皆往時所攜
物也子喜雨成化饒平貢令脩仁尙名節擢知永

安州

黃志

蕭鈴字景璚潮陽人長通敏有智謀昂然自奮耻
碌碌隨人事父母盡孝正統丙寅父出粟千石賑
民饑有詔以義民旌之景泰辛未舉宗爲橫逆誣
構世業半入于官父因隨沒鈴申雪于朝復其業
間關奉柩歸葬其事先於忌諱日若歲伏臘祭薦
酌古今禮以行晚作祠堂一區用嚴祀事未就而
卒鈴善處諸弟諸弟每稟命而行於臧獲輩嚴泣

而慈畜之於宗戚鄉黨不能自存與大婚急喪貧不能卒事者時相助之至於踰越禮分桀黠爲鄉里患者必使之不獲逞而後已是非曲直有不訟于官而之鈴之堂者至或爲之具酒食和解之性不喜奢靡然於所當用者卽倒困不顧天順己卯又出賑濟饑米八百斛詔義之賜七品秩爲承事

郎卒年六十四

梁儲撰墓誌略

鄭安字康民海陽人敏悟絕人經史一覽成誦弱冠以春秋領正統丁卯鄉薦第一登景泰甲戌進士授河南道監察御史彈劾不避權要憲宗卽位抗疏陳八事多見採用因南畿災變迭見復疏言

宜策勉大臣戒飭在位言甚剴切繼遷陝西按察副使時番賊駝龍等一十五族爲邊害巡撫檄安會軍撫捕安直抵番界召酋長諭以禍福皆率衆詣軍門請降歸所掠人畜財物有二族旣降尋叛安設方略討平之以南洮河一帶及西北路諸要害爲番賊出沒之處皆築堡屯兵據勝固守邊鎮以寧復言番僧進馬者類多詐冒以所得錦綺製爲戰袍宜加裁抑固原州土達滿四等據石城架砲山作亂出師討之安在行多贊畫滿四就擒安作西征鐃歌鼓吹以紀之居官二十年敝廬環堵如故未嘗增一產業秩滿以母老便道歸省卒于

家戴志

鄭璣字文象潮陽人幼失母復喪父繼母私其二子璣事之愈謹及弟長母欲析居璣則業取其荒器取其敝者後母爲感泣復同居如故舉正統丁卯鄉試署靈川敎事尋擢寧波府學敎授入爲國子學正其立敎必嚴義利之辨取予不苟士多感化者郭志歷官廿載死至無以爲殮其清苦殆出於其性云黃志

蕭鼎字伯鉉海陽人景泰庚午鄉薦登天順八年進士任工部虞衡司主事總理遵化鐵冶革宿弊課羨而民不因完舊逋課以萬計改戶部主事出

董德州軍儲明出納嚴禁令奸蠹無所容增置倉
廩以廣儲積遷本部員外郎尋乘傳往督江西福
建貢賦廩食外或有所餽遺雖親故亦峻却之竣
事還擢溫州知府清操愈厲平居食疏衣布甘自
澹泊妻子蕭然在室出則封鑰其門賦斂正稅之
外毫髮不妄取凡有便於民者卽爲舉行會歲旱
禱雨徒行烈日中深自咎責嘗毀淫祠僧尼少者
諭之還俗後以疾乞歸故例非京官不復起用銓
曹以鼎有賢名爲特請疾痊復任得報竟歸行囊
蕭然士民泣送不忍別爲立去思碑居鄉或時布
衣行田野間與耕牧爲侶卒年五十六囊無餘儲

溫人聞喪父老數十人至其家致賻哭拜其墓云

浙江通志

韋濟海陽人景泰庚午鄉薦成化初知龍巖拓舊

土城修學廟遷社稷壇立養濟院修龍津虎渡二

橋會汀寇發鄰境皆受害巖邑獨全

福建通志

陳綱字文舉潮陽人景泰辛未貢入太學成化間

需次銓曹時議者以郡縣長吏例不得仕於其鄉

綱請倣古制凡一切與選之士無論科貢但當論

其才適於用不得輒拘鄉貫以便民俗從之於是

綱始授爲本省高州石城知縣尋以都御史韓雍

薦擢高州通判再遷慶遠同知綱爲人辨給有治

才雍每檄致幕下咨以軍事遇敵輒出入陣中能
得士之死力西賊聞其名多遁去在石城歲饑嘗
捐俸以賑流亡家屬常食竹實其刻意立名率類
此在慶遠最久卒於官

郝志

鄭諒字廷察海陽人幼抱志不凡甫弱冠行事多
氣節景泰丙子鄉薦成化己丑登進士厯官戶部
郎中矢心清苦勵志操持以薦沐封典自喜親恩
少報遂乞休田里閉門訓課絕跡公庭季子文卿
宏治乙卯中式嘗揭己貲作溝橋通津渡以便利
居民鄉人至今頌之正德紀元進階中順大夫卒

年八十一

黃志

黃湊字元浩潮陽人也始湊父以部解運北上客死於虔貧不能歸葬稍長母告以故湊驚殞絕而復甦者數四自是遂刻意儒業居常不妄笑語歲時薦奠輒西向泣下竟日不食景泰丙子舉鄉試母亦尋沒湊迺徒步走虔州負其父骨以歸因合葬焉服闋上春官以一榜授沅州學正改萬州後貶漳州府學訓導竟卒於漳

郭志

劉琯海陽人天順壬午舉人成化八年任橫州學正督士入學舍每日授書講解不怠時知州何堯中修學親至視工諸生曰盍迎之曰修學有司職也講學吾職也各盡其職何迎焉坐講不輟州學

祭器不具琯悉置之在任八年

文載

盛鳳儀字景瑞饒平人自少穎悟讀書一目十行
下早歲食餼膠庠成化乙酉貢授仁化訓導以賢
聞巡撫韓雍禮致幕府時翁源乳源兵叛鳳儀以
計安之令民墾絕戶田以補逋負又上定賦三則
民稱便焉尋轉安溪教諭署縣事拓學地以新殿
廡乞休生徒及百姓畱遮數百里後祀于三賢祠
郭志子端明字希道中宏治戊午解元登壬戌進士
選庶吉士歷任禮工二部尚書世宗屢加褒賜歸
築北門堤以壯捍禦所著有程齋彙稿卒年八十

一贈太子太保諡榮簡

饒平志

吳裕字敬昆揭陽人幼穎悟強記登成化戊子鄉薦壬辰進士授戶部主事歷遷吏部郎中遴選材能多稱擢右通政未幾以母老乞歸省母卒哀瘠不勝服闋改太僕卿會邊人數入雲中寇掠邊將出師馬多病死至發數千疋不足裕議更出庫銀數萬兩往市時已嬰疾治馬政過勞疾益作三上疏乞休不允竟卒年五十九聞訃遣官諭祭命有

司營其墓

黃志

姚琛字宏璧潮陽人與從弟璦四世同居性嗜學嘗受書於許倫得其指授以貢入太學領成化辛卯京闈解元授撫州府通判

黃志

例餽堂食錢卻不

受會建益府採木仁壽宮織造計三萬金道里費
俱取之家美金數千悉歸公帑院道嗟異蒞任九
載累署郡縣篆表直臣雪非辜平宜黃劇寇多異
政惠績撫人祠之名宦遷順天府治中之官三月

卽疏乞歸四方乃允琛有母孝養備至

郭志

琛年已

七十矣猶朝夕凜冠服聽教躬甘旨承歡若壯時

鄉人多所感化

潮陽志

從弟璵字宏瓚與琛少同學

齊名領天順壬午科鄉薦授南京兵部司務歷職
方員外武選郎中革武弁襲職饋遺時守備中官
蔣琮專恣璵特疏劾之奏上忤旨與御史姜瑄同
逮繫得本部尙書三原王恕力救乃免後以勞瘁